

禁府啓曰張琳事干旣已服招更推海外事干無乃勢難乎傳曰可議
于大臣○臺諫啓前事憲府啓春享大祭攝行則望闕禮受賀等事不
可不行傳曰張琳事罪及子孫當商確論定故命議之耳朴嶸其推之
受賀事知道餘不允○夜坤方有赤氣其上有白氣一條赤氣狀如炬
白氣狀如十字一文許○丙午兵曹啓曰前日 命抄武臣可親啓公
事者昨已抄得朴琛金友思等二十人矣且生負申朴張屹金麟孫等
善射已為生負雖不考講請並使親啓公事如可用則授以宣傳官等
職從之○金壽童安潤德議國之大事在祀九祭享散齋致齋當盡其
禮但攝行旣非親行望闕禮受賀亦是大禮而春享大祭每於正月初
行之若拘於致齋雖攝行之時亦停之則正朝望闕禮無歲可行且五
禮儀內攝行無齋儀 先王朝亦不以攝行齋戒而廢望闕禮會禮宴等
事臣意依 祖宗朝例行之無妨柳順訂鄭眉壽閔孝曾宋軼李孫金
應箕張順孫任由謙李季男成世純李自健安潤孫申用漑金對李
洪尹喜孫朴說崔漢洪亦請依 祖宗朝舊例成希顏鄭光弼洪淑議今
弘文館博考古制更議施行慶世旨李自華韓效元金淨權撥朴詳鄭
士龍柳墩蔡忱李清議凡祭祀所當親行若有故則亦當攝之雖攝誠